

Semua Ketua Setiausaha Kementerian

Semua Ketua Jabatan Persekutuan

Ketua Polis Negara Bahagian Kewangan

Pengarah Jabatan Urusan Gaji Angkatan Tentera (UGAT)

Semua Ketua Perwakilan Luar Negeri

Semua Ketua Akauntan/Akauntan Kanan Jabatan Mengakaun Sendiri

Semua Pengarah Cawangan Jabatan Akauntan Negara

Semua Pusat Gaji



**KERAJAAN SERI PADUKA BAGINDA**

**MALAYSIA**

**SURAT PEKELILING AKAUNTAN NEGARA MALAYSIA**

**BILANGAN 1 TAHUN 2003**

**PERATURAN PEMBAYARAN IMBUHAN TAHUNAN DAN BAYARAN KHAS PRESTASI  
KEPADА ANGGOTA PERKHIDMATAN AWAM PERSEKUTUAN**

**BAGI TAHUN 2003**

## **1. TUJUAN**

1.1. Tujuan Surat Pekeliling ini adalah untuk menetapkan peraturan pembayaran berikut:-

- i) Imbuhan Tahunan kepada anggota dalam Kumpulan Pengurusan dan Profesional serta Kumpulan Sokongan; dan
- ii) Bayaran Khas Prestasi kepada anggota dalam Kumpulan Pengurusan Tertinggi.

1.2. Pekeliling ini hendaklah dibaca bersamaan dengan Pekeliling Perkhidmatan Bilangan 5 Tahun 2003.

## **2. ASAS PERKIRAAN**

2.1. Kadar Imbuhan / Bayaran Khas Prestasi yang perlu dibayar hendaklah dikira berdasarkan kepada gaji pokok (termasuk elaun memangku) bagi bulan **JUN 2003**.

2.2. Kadar pembayaran Imbuhan / Bayaran Khas Prestasi ini telah ditetapkan sebanyak setengah (1/2) bulan gaji.

## **3. PERATURAN PELAKSANAAN PEMBAYARAN BONUS**

3.1 Dalam membuat pembayaran Imbuhan / Bayaran Khas Prestasi, peraturan-peraturan berikut perlu dipatuhi:-

### **3.1.1. Cukai Pendapatan**

Cukai pendapatan tidak dipotong dari amaun Imbuhan / Bayaran Khas Prestasi yang hendak dibayar, tetapi Imbuhan / Bayaran Khas Prestasi tersebut akan diambilkira dalam Penyata Pendapatan Tahunan untuk tujuan penaksiran cukai pendapatan.

### **3.1.2. Potongan Kumpulan Wang Simpanan Pekerja (KWSP)**

Di bawah tafsiran ‘upah’ dalam seksyen 2, Akta KWSP 1991, Imbuhan / Bayaran Khas Prestasi ini adalah dikenakan caruman KWSP. Potongan caruman pekerja (kadar baru 9%) dan bayaran caruman majikan perlu dibuat dengan sewajarnya.

### **3.1.3. Bayaran bagi anggota di bawah Sistem Gaji Berkomputer**

Penyata Perubahan (Kew. 8) tidak perlu disediakan untuk pembayaran Imbuhan. Bagi anggota Kumpulan Pengurusan dan Profesional serta Kumpulan Sokongan di mana gajinya dibayar melalui Sistem Gaji Berkomputer, Pejabat Perakaunan (cawangan-cawangan Jabatan Akauntan Negara Malaysia dan Jabatan Mengakaun Sendiri) telah mengeluarkan Laporan R620 sebagai mengantikan Penyata Perubahan untuk Imbuhan yang telah dibayar pada **1 Jun 2003**.

Bagi pegawai dalam Kumpulan Pengurusan Tertinggi, Bayaran Khas Prestasinya hendaklah disediakan secara baucar berasingan.

### **3.1.4. Pelarasian untuk anggota yang telah dibayar Imbuhan pada 1 Jun 2003**

Bagi pegawai yang telah dibayar Imbuhan pada 1 Jun 2003 berdasarkan gaji bulan Mei 2003, pelarasian yang sewajarnya jika perlu hendaklah dibuat oleh Kementerian/Jabatan/Agensi Kerajaan.

### **3.1.5. Dokumen Sokongan Untuk Baucar Berasingan**

Bagi Imbuhan / Bayaran Khas Prestasi yang dibayar melalui baucar berasingan, Penyata Perubahan (Kew. 8) hendaklah disediakan seperti biasa.

### **3.1.6. Kod Urusniaga**

Kod-kod urusniaga yang perlu digunakan adalah seperti berikut:-

<u>KOD SODO</u>	<u>KOD ELAUN</u>	<u>PERIHAL KOD ELAUN</u>
15103	0028	Imbuhan Tahunan Kakitangan Awam
15204	0029	Imbuhan Tahunan Pasukan Keselamatan
29304	0030	Imbuhan Tahunan Pekerja Sementara Dan Sambilan Yang Tidak Menyandang Jawatan Tetap
15105	0034	Bayaran Khas Prestasi Jawatan Utama
15205	0035	Bayaran Khas Prestasi Pasukan Keselamatan

3.2. Pembayaran Imbuhan / Bayaran Khas Prestasi ini adalah menjadi tanggungan Kementerian/ Jabatan/Agensi Kerajaan yang baru di mana pegawai ditempatkan. Walau bagaimanapun untuk Anggota Perkhidmatan Awam di mana gajinya dibayar melalui Sistem Gaji Berkomputer dan gaji mereka masih dibayar oleh pejabat lama untuk gaji bulan Mei 2003, maka Imbuhan telah dibayar di pejabat lama tersebut. Tetapi sekiranya Imbuhan ini tertinggal disediakan oleh pejabat lama, maka pejabat baru hendaklah menyediakan Imbuhan secara baucar berasingan.

3.3 Bagi Anggota Perkhidmatan Awam di mana gajinya dibayar melalui Sistem Gaji Berkomputer, Kementerian/Jabatan hendaklah **menyemak** amaun Imbuhan yang telah dibayar seperti di dalam **Laporan R620** terutama sekali mereka yang tidak layak menerima imbuhan dan mereka yang hanya layak menerimanya secara "proportionate" seperti yang tersebut di dalam Pekeliling Perkhidmatan Bilangan 5 Tahun 2003. Adalah menjadi tanggungjawab Jabatan mengutip semula atau memotong daripada gaji bulan berikut amaun yang tidak layak diterima oleh seseorang Anggota Perkhidmatan Awam.

#### **4. PERUNTUKAN UNTUK MEMBAYAR BONUS**

4.1. Kementerian/Jabatan/Agensi Kerajaan hendaklah membayar Imbuhan dan Bayaran Khas Prestasi ini daripada peruntukan tahun semasa yang sedia ada. Sekiranya

peruntukan ini tidak mencukupi permohonan peruntukan tambahan hendaklah dibuat kepada Perbendaharaan.

Sekian, terima kasih.

**"BERKHIDMAT UNTUK NEGARA"**

**(Datuk Siti Maslamah Binti Osman)**

**Akauntan Negara Malaysia.**

Jun 2003

s.k. 1. Ketua Audit Negara.

Semua Pegawai Kewangan Negeri.

Semua Akauntan/Bendahari Negeri.

Semua Pengurus Badan-badan Berkanun Persekutuan/Negeri.

Semua Pengurus Pihak Berkuasa Tempatan.

Ketua Pengarah, Jabatan Hasil Dalam Negeri.

Pengurus Besar KWSP.